



**Kinguaassiuutitigut atornerluisoqarsimatillugu ilaqutariit eqqugaasut ataatsimoortillugit avissaartuutsinnagit piffinni katsorsaatigiittalernis-saat anguniarlugu qanoq iliiuuseqartoqarsinnaanera pillugu apeqquteqaat aallaavigalugu inatsisartunut oqallisissiaq.**

(Inatsisartunut ilaasortaq Jess Svane, Siumut)

Oqallisissiamut qujanaq.

Oqallisissiaq tamatsinnut attuisoq, oqallisissiaq nunatsinni meerarpassuarnik ulluinnarsiutingineqartoq. Meeqqat atornerlunneqartut qaningisanik ilaqtanik. Siullermik imak oqarusuppunga inuiaqatingiittut nappaateqarpugut, inuiaqatigiit napparsimapput, meeqqat taamak amerlatigisut kinguaassiuutitigut atornerlunneqartartillugit. Taamatullu oqareerlunga aamma oqartariaqarpunga qujanartumik kinguaassiuutitigut atornerluisarneq inuiaqatingiittut akiorsinnaavarput, aamma akiorniartuarparput.

Oqaatingisareernikuuara oqaatingeqqissuaralu Demokraatiniik isumaqaratta meeqqanik atornerluineq qaangerniarutsigu ullumerniik pineqaatissiisarneq sakkortunerujussusariaqarmat. Uani oqallisissiami atornerluisoqarsimatillugu ilaqutariit tamarmiutillugit katsorsarneqarnissaat eqqartorneqarpoq. Demokraatiniilli isumaqarpugut meeqqanik atornerluisimasoq sakkortuumik pineqaatissinneqartassasoq, meeqqap inuuneranik aseruimmat. Sooq ukiut marluinnaat isertitsivimmiissua? Tassuuna aaqqitassaqarpugut. Politikkeritut suliassaqarpugut. Angerlaassassat naalangaaffeqatingiinnermi suli angerlaatinngisat angerlaanniarlik meeqqagut illersorumallugit.

Meeqqanik kinguaassiuutitigut kannguttaattuliorsimangaanni isumaqarpugut meeraq illersorumallugu inuk taamaaliorsimasoq meeqqap pineqartup eqqaanut qaningisaanulluunniit pitinneqaqqissanngittoq, meeqqat meeqqallu allat illersorumallugit.

Eqqarsartaaserput akiuniarnitsinni sakkukipallaarpoq, sakkortunerusariaqarpugut, sapiinnerusariaqarpugut.

Meeqqagut siunissami nunatsinnik ingerlatitseqqittussaapput, kinguaangut nukittusariaqarput tamannalu uangut inersimasut tamatta akisussaaffingaarpud.

Demokraatiniik isumarpugut kinguaassiuutitigut kannguttaatsuliortoqarsimatillugu naammanngittoq ilaqutariit pineqartut kanngutsaatsuliortoq ilaatillugu katsorsarneqassasut. Isumaqarpungulli kanngutsaatsuliortoq peerneqassasoq qimangutsinneqarluni. Pineqaatissinneqarluni sakkortuumik. Ugguunalu oqallisissiaq isumaqatinginarpoq ilaqutariit atornerluisoq qimangutsinneqareerpat taava ilaqutariit ingerlariaqqinnissaminnut sakkussanik pitsaanerpaanik tunioraneqarnissaat ikiorneqarnissaat ingerlaqqinnissaallu inuunermi aqqutissinneqarnissaa pitsaanerpaajusariaqarpoq. Tassuuna assortuussutissaqarpasinngilagut.



Eqqartortuaannarsinnaangilarput iliuseqarniarta, uanguuvoq unitsitsisinnaasut. Uanguuvoq inatsisiliortut. Taamatut oqaaseqarluta qallisissiamut qujaqiippugut.